

皇明兩朝疏抄

重校嘉隆疏抄序

粵惟

國家自

二祖凝圖廓紘恢綱延登群策盛烈鴻規
炳焉千古矣

列聖纂承陳謨獻議代有蓋臣至我

肅皇帝天縱聖明勤心述作考禮蒐樂秩
儀敘典視

國初稱大備焉顧四十餘年不出
朝堂而海內晏然遵何術哉惟是

上秉乾綱操下廩廩取諸司奏記日披覽
裁決賞罰予奪斷然行之海內群工畏
先帝綜核之明而尤樂其信言之專此忠
臣烈士所以披肝瀝膽甘萬死而不辭
者盖有所激於中也

穆廟以仁厚繼成益闢言路

兩朝諸臣抒忠讜殫謨猷崇論鈇議藏在
秘府學士大夫思欲明習當世之務靡所
覩記有識者蓋惜之矣向余叨民省覩
署中牙籤充棟檢之皆嘉隆間諸公奏
草也因而卒業往往缺弗備隨取他省
抄徧閱之類多主記吏日苟完程課以
置辭弄事簿書期會瑣細雜其中漫弗
當憶余在諸生時所聞海內二三激昂

骨鯁之士直陳闕政力詆權奸委命

公庭投身遠徼志與龍逢同遊名與日星
並耀者反逸焉余蓋重有慨矣暇中發
諸帙手為檢評當意者命吏錄之其名
在當世缺而弗載者稍為搜購如嘉靖
中所稱三楊公江右郭公瓊州海公京
山王公仙居吳公姚江趙公會稽沈公
隆慶中東明石公閩海詹公暨前後建

言得罪諸君子生死榮辱在指顧間能
以身任

社稷綱常天下仰其微烈其忠言讜論如
卿雲瑞日人人欲屬目睇觀之柰何可
使泯泯不傳也余於射洪楊公疏遺書
按蜀郭直指就其家得之富平容城二
楊公會稽沈公疏并在遺稿中京山王
侍御疏得於其館甥李太史瓊州海公

疏得之長安老供奉中多魯魚傍求他
本正之此外或得之西曹爰書中或得
之舊貯長廊直廬或得之諸太史及薦
紳間別錄或得之諸公家乘遺集不可
縷悉越一寒暑粗有梗槩始嘉靖元年
終隆慶六年為書二十卷謬為分類以
便檢閱自惟庸謏於一時名公掛漏極
多然聞見止此姑裝演成帙存署中以

補前抄未備非敢欲托之梓人也廼諸
省僚轉相傳錄久之漸及諸曹又久之
漸傳於寓內余方以蒐輯未博掄擇未
精日有歉心及聞天雄有刻本負慙滋
甚然未悉其所從來自余庚辰春跼伏
山中不復聞時事比甲申蒙
恩起勲卿再入長安快覩

皇路清夷賢人彙進回思向時一二有力

者勢可排山權能炙手吐漱興雲雨呼
吸下霜露轉盼之間已成陳迹余為頻
首嘆息者久之已而入省署會食諸僚
友輒相謂曰公昔為嘉隆疏抄留署中
無恙乃今天雄刻本多雜以近年新貴
人疏柰何不為一釐正乎余時謂去國
五年即樵牧伏枕外他何知焉姑聽之
且事在彼中何能與也居無何忽有西

輔之

命及出都諸省僚觴於郊關仍以前語申
之比驅車入境方拮据案牘酬應間未
遑也客秋以事過天雄因取其本閱之
果如諸僚友言芟除舊本者十之四增
以近年者十之三內如排巨璫發遺奸
請大臣終制諸疏有關世道人心者多
從汰去至近年諸貴人或漂說塞責或

踵故歲報或通負督過或限列文陳片
言半牘玆若南金朝下瑣垣暮已登梓
收羅編輯惟恐不及余乃愀然嘆曰時
事一至此乎即諸君疏一一當利病中
肯窾乃在

今上時安所稱嘉隆也於是即其本稍為
刪定檢近年者姑置之間取余舊本所
有少補其一二極知缺漏弗備第猶不

失掄輯初意余聞之有楚人懷璧過鄭
之野璞而未琢鄭人攘璧病其璞也以
燕石瑀鑲雜之而獻于王夫楚人之璧
璞誠陋矣攘而雜之者皆過也余觀於
疏抄天雄本是雜者也金陵本是攘者
也攘與雜俱弗計姑述余舊之所輯顛
末如此以語海內諸君子云
萬曆丙戌仲夏

賜進士出身中憲大夫

欽差巡撫保定等府提督紫荆等關兼管
河道都察院右僉都御史前翰林院庶
吉士戶科都給事中嶧陽賈三近譔

皇明嘉隆疏抄序

余覽古今之疏議宋元以前盡於名臣
奏議其書也博而能載

國朝以來盡於皇明疏輯其書也詳而有
體是輯也蓋張太宰公典郡之時而銓
次正德以前之疏議以成帙云歷祀而
嘉隆間凡正士盡臣所為條紀綱見情
素者嗣弗載時若大名郡守桂君以其

臺中時得

都諫石葵賈公所輯稿若干卷謀梓之
會弗果而司理顧君成其志以續疏輯
之傳延走使請弁言於余余嘗側瑣闥
之列矣此

列聖所以懸輶置鐸而求諸臣之所竭志
畢慮而謀者余故得從觀之矣然而用
藏於璇宮而不得聞於青衿之士其言

筆之於史而未廣之金石之傳凡學士
大夫曾不得稽

國家之故實睇先哲之芳猷蓋自疏輯之
後得是書以備所未備者而

十聖之事詳天下之屬耳目者衆矣余聞
之立言者先於經世裨實用也考治者
始於近代識時務也人之情靡不貴遠
而賤近然稱古則易而言今實難跡其

說遠引乎臯夔周召之事而究其用未
足以當歐富司馬之一籌者比肩是也
今第即皇王以談漢魏其事殊矣即唐
宋以談

熙朝其事殊矣而即我

祖開創之時以談 今日其事復殊矣夫
言非得實弗可用已言不可用直批裨
耳故由今之時徵前言致實用則嘉隆

其始也蓋天下之事有始動而終息不
戢其振刷有始行而終弊不戢其更張
而論著建明者因歲異而月不同矣至
如國家之典禮臣下之賢邪議既一定
而說當兩存忤意於一時而定論於異
日者皆有志之士所欲比觀而覆視也
宜何所去取焉嗟乎鏡治理於方今則
不必襲太上之空言覽先達之獻替則

不必起賈董於異代是書也將

廟謨是以也豈曰備故謀已乎

萬曆戊寅孟秋

賜進士資政大夫工部尚書前大理寺卿
戶部左右侍郎南京都察院右都御史
侍

徑筵應城李初滋撰

重刻嘉隆疏抄序

今天雄重刻嘉隆疏抄蓋

大中丞賈公昔所輯而今再較者也先是
公列省垣肩茲封駁惟時

明二百年奏議犁然在左右公輒手而目
目輒賞乃

皇明疏輯二三帙業布之前人而嘉隆弗
及焉夫

明朝泰運茂在嘉隆間而

主上又快覽章奏褒表忠良故其剖赤摠
蓋張膽明目論列匡弼者踵相接於時
公乃睠

兩朝之盛美仰

一聖之紹祚嘉與諸鉅公之忠讜慨然太
息乃賞而錄錄且核若卮言無當者弗
錄言是而人違者弗錄希當塗之指而

騁偏曲不適之論者弗錄乃錄疏三百
餘各有類類凡三十五乃為卷卷凡二
十錄既成會公倦息嶧山之麓而好事
者乃取而更甲乙其次第黑白其意識
迎而志者入違而志者出雖彼意各有
托而以揆輯者之大指與嘉隆疏之定
標固且左矣嗟乎嗟乎從古以來勢足
排山力可掣宇提趙孟之軒冕而吞吐

世踞鼓衍儀之鋒鏑而頡頏英雄今悉
化為朝露蕭艾誰復道之而名賢碩良
忠幹義腹崇論宏議畢知竭慮所為補
當宁之衮犯

雷霆之威者乃令岑寂不章余竊愍焉比
公復出

撫右輔之明年三關六郡化翔威覃乃始
於前所謂謬入而詩出者悉改正如初

而是輯始完璧不棄以付天雒守蔣君
重梓之且以觀余不佞余不佞昔亦叨
廁省末獲睹斯編輒嘆賢良之忠謹籍
以不磨而且有槩乎公之盛舉也乃拜
手颺言於都哉余不佞於是窺公之寄
志遠而厥功茂也盖有六美焉彰上褒
下明志表物鏡往的來神聖虛懷敏若
轉圜吁咈既順批鱗弗逆故美在彰上

談時陳事建白從容情詞慷慨各就厥
趨故美在褒下厚抱隆施翊正屏邪有
投即契違道弗協故美在明志片言珠
玉單詞琳瑯無斂不昭聞者興起故美
在表物夔龍既遠箕比亦逝以今揆古
庶幾見茲故美在鏡徃世代相沿綱常
弗謝後有作者謨謀允昭故美在的來
具茲六美允哉乎公之寄志遠而厥功

茂也若乃

聖明在御求賢納諫若今二三元老及公
卿百執事相與更上條議洋洋纒纒公
固將繼今輯而哀集焉令百代而後獲
睹

明朝全盛乃在君臣恭交爾爾於時固有
鴻筆載序而余何知焉余何知焉
萬曆丙戌孟冬

賜進士奉議大夫河南提刑按察司僉事
奉

勅整飭大名兵備前工科給事中侍
經筵上郡王毓陽撰

皇明嘉隆疏抄凡例

一是編止嘉靖隆慶間前此經濟錄及疏議輯畧所載者今不重錄

一是編止據省署舊錄中多脫遺草率抄謄未敢選擇往往憶及昔時海內所傳諸疏及近年諸名公忠謨讜論在人耳目者今尚未備容俟購補

一分類三十有五疏凡三百六十有奇中間事屬經濟者率多掛漏至一事而經二三人言者或并錄之取其有關封駁非必備

時務也

一門類先

朝廷後庶事畧倣經濟錄及疏議輯畧例至各類諸疏前後並不編年論爵一隨抄謄早暮序入爾

一諸臣意見不同言論各異有堅持古道而時制未協有忠憤激發而論事過當者均取之以備參考

皇明嘉隆疏抄凡例終

重校嘉隆疏抄目錄

都察院右僉都御史前戶科都給事中嶧陽賈三近彙集

卷一

君道類一

獻愚忠以荅聖眷疏

楊清大學士

陳愚見以裨聖化疏

劉忠大學士

上下一心同濟聖治疏

湛若水編修

陳愚見以保安疏

譚璣御史

立本慎幾明法以保大業疏

沈教御史

稽古修德以荅天眷疏

周相御史

慎五始以隆新治疏

任維賢刑部主事

保泰九劄

吳時來給事中

定大禮正大法急大務以全聖治疏

方鳳御史

卷二

君道二

陳謹始之道以隆聖業疏

陳以勤大學士

陳末議以裨聖治疏

吳嶽吏部尚書

務學親賢疏

鄭慶雲給事中

正國體以全聖孝疏

李儼御史

圖政理以慰人心疏

石星給事中

安內攘外以隆中興疏

何維栢都御史

陳膚見以裨時政疏

曹懷給事中

竭瀝血忱以圖報萬一疏

周怡太常少卿

罄愚衷以裨聖治疏

王得春御史

勤初政以保天命疏

魏時亮都給事中

獻愚忠以裨聖政疏

管律給事中

因事納忠以清化源裕國用疏

傅孟春御史

受言崇儉以光聖德疏

王時舉御史

諫止聖躬修養疏

楊最太僕卿

從儉納言以嚴法紀疏

周弘祖御史

躬節儉以承上天以恤下民疏
嚴用和中都給事中

順天道以裕養元躬疏
舒化中都給事中

崇實政以光聖化疏
王之垣中都給事中

勤志聽言以端化本疏
鄭慶雲

竭愚忠補衮職以隆治安疏
劉奮庸尚寶卿

敷陳大政以裨中興盛治疏
夏拭太僕少卿

勤朝講重延納以臻新政熙隆疏
張鹵都給事中

卷三

聖學類

重經筵以養聖德疏

鄭一鵬

都給事中

豫戒遊逸以謹君德疏

湛若水

乞重天命以興聖治疏

何孟春

侍郎

法祖類

遵成法革弊政以培國脉疏

張翀

給事中

陳聖制以裨至治疏

霍韜

學士

黜紛更舉舊章以隆治化疏

劉濂

御史

正法守申令式以隆中興疏

洪異

御史

遵祖訓以端政本疏

孫懋

給事中

慎守祖宗家法疏

石珪大學士

儲貳類

出閣講學以養聖功疏

周冕御史

早舉東宮朝儀以備典禮疏

羅洪先修撰

感恩獻愚少裨東宮聖事疏

霍韜

早定東宮朝賀禮制以慰群臣疏

唐順之司諫

願獻微忠疏

郭希顏中允

慎選官僚疏

呂應祥都給事中

舉正東宮朝會禮儀疏

趙時春編修

早舉明立東宮大禮疏

高儀

禮部尚書

請明立東宮疏

張居正

大學士

慎選東宮內外官僚以端大本疏

張鹵

宮闈類

慰問中宮以全聖德疏

詹仰庇

御史

速請正位中宮以端治本疏

王特舉

宗藩類

議廢宗藩事宜疏

戚元佐

郎中

導成憲以慎藩封疏

殷士儋禮部尚書

條議宗藩至切事宜疏

何起鳴都給事中

卷四

巡遊類

聖駕南巡思獻愚忠疏

王廷相兵部尚書

獻愚忠以惜財費疏

李建相戶部尚書

止行幸疏

王好問御史

命令類

審綸音以光聖治疏

鄧繼曾

給事中

慎綸音以圖治安疏

劉世揚

給事中

信明詔以杜弊端疏

鄭自璧

都給事中

收成命以防後患疏

喬棋

御史

慎出命以示大順疏

汪思

給事中

從衆論以塞禍源疏

王璜

御史

信詔旨以正國法疏

許復禮

都給事中

慎政令以圖治安疏

黃重

給事中

重降明旨大懲奸黨疏

章僑

給事中

差遣類

停止差官織造疏

楊廷和大學士

憫人窮以昭聖德疏

楊一清

暫停差官織造疏

喬宇吏部尚書

憫念窮民亟停差官織造疏

楊廷和

俯從讜言停止差官織造疏

張紳

停止差遣以恤邦本疏

張原給事中

暫停織造以蘇邊民疏

吉棠御史

慎差遣以廣仁恩疏

郝杰御史

卷五

禮臣類

優老乞言以裨聖政疏

何天衢都御史

固政本以隆聖治疏

汪思

敬大臣優臺諫疏

李錫給事中

崇一德以享天心疏

唐皋修撰

乞信大臣守職以光聖德疏

張嵩給事中

禮臣下以勵節行疏

葉奇御史

信任大臣以光聖治疏

張曰謫御史

信任大臣以保治安疏

鮮一貫都給事中

召對類

重延納以隆新政疏

胡應嘉都給事中

亟圖覽本顧問以隆交泰疏

溫純都給事中

進召對錄疏

張國彥都給事中

好尚類

速停齋醮以光聖德疏

楊廷和

辟左道以保聖化疏

鄭一鵬

黜異端以隆聖治疏

屠僑御史

黜異端以隆聖道疏

安磐

給事中

禁邪誘以欽聖福疏

李錫

給事中

辟異端以隆治化疏

鄭慶雲

亟誅蠱惑遺奸以隆聖治疏

張翀

除邪妄以彰聖化疏

夏言

大學士

除邪類以建皇極疏

劉世揚

卷六

修省類一

災異修省應制陳言疏

楊清

懼災修省疏

朱鳴陽都給事

自陳不職以彌天變疏

鄒守益祭酒

務實勝以答天戒疏

劉世龍主事

順人心以回天意疏

何維栢

嚴天戒以保治安疏

張珊

謹天戒疏

霍韜

災異陳言疏

曾鈞給事中

應詔陳言疏

鄭岳大理卿

謹天戒以隆盛治疏

唐胄主事

修德以應天數疏

汪俊禮部尚書

嚴交修以答聖心疏

程啟充御史

災異陳言以消天變疏

仲選御史

修省以消天變疏

周瑯給事中

停止造作以回天意疏

朱衡書戶部尚

因變陳言以謹天戒疏

趙錦御史

盡修省罷造作以答天心疏

孫夢芳御史

陳言修省以彌災異疏

何孟春

自陳乞罷以昭天戒疏

霍韜

卷七

修省二

修省陳言以復初政疏

汪俊

修省陳言以答天戒疏

蕭一中御史

修省陳言以副聖懷疏

顧溱給事中

務實政以答天戒疏

彭汝寔給事中

自劾以彌天變疏

楊言給事中

修急務以弭災變疏

鄭大經都給事中

亟修省以回天意疏

何起鳴

陳言時政以答天戒疏

段汝礪御史

急勵聖志以答天變疏

秦武御史

陳言修省以消天變疏

華

湘陰監軍監
事太常少卿

錄臣言以弭天變疏

周瑯

修德政以弭災變疏

方鳳

類報災異疏

高儀

卷八

弭違類

直言天下第一事疏

海瑞主事

停止欽取銀兩以裕國計疏

李春芳大學士

陳愚惇以附餘忠疏

林俊刑部尚書

慰人心以隆治道疏

楊爵御史

聽忠言信詔旨以防欺蔽疏

李巳都給事中

廣聽納隆委任以登治化疏

周瑯

一法令以全治體疏

余璜都給事中

戒逸豫以光聖德疏

高世魁御史

陳弊端以圖美業疏

張達給事中

陳切務以裨聖治疏

王俊民給事中

親政權以折奸防亂疏

許相卿給事中

有言官戢憚士以杜亂階疏

鄭慶雲

慎政令以正國體疏

劉思賢御史

擴善端以寬無辜重舊恩以保至治疏陳相御史

停工罷織造以固邦本疏張漢卿都給事

緩雷殿工作疏劉魁工部員外郎

慎予奪以全大體疏雷應龍御史

納忠言罷採辦以紓國計疏詹仰庇

崇節儉以隆聖德疏魏時亮

罷征邊聞商稅以通貨財疏劉頴御史

停買金寶以昭儉德疏李巳

崇儉德恤民窮以永圖治安疏魏時亮

省無益之費以昭聖德疏雷應龍

重惜事體以正朝廷疏

林俊

大臣終制以植綱常疏

何維柏

卷九

時政類

陳愚惻以裨聖治疏

霍韜禮部尚書

條獻末議以裨聖政疏

陳以勤

直陳時政切要疏

張居正

急圖政要以保治安疏

殷士儋大學士

陳愚惻以廣天恩疏

顧存仁給事中

陳愚衷以復聖諭疏

郭維藩學士

陳愚見以裨聖治疏

凌儒御史

竭愚忠以陳政要疏

鄭履淳尚寶司丞

時務最要三事疏

魏時亮

勤聖學勵臣工以成治道疏

何維栢

應詔陳言疏

王世貞都御史

敷求實政以永保安疏

鄭欽給事中

初政第二劄疏

霍韜

預陳用人理財大要疏

張鹵

卷十

貢獻類

罷額外進獻以重詔令疏

張种

停免額外進貢以昭大信疏

張种

却貢獻以光聖德疏

鄭鵬

却異物以節財用疏

張祿御史

釐弊類

奉旨查明銀兩疏

劉取給事中

懲欺罔以謹初服疏

邵錫都給事中

舉正欺弊疏

劉取

戒羣成以圖治安疏

林若庸

御史

懲惡奸以保治安疏

安磐

復成法以慎杜奸萌疏

張鹵

審輕重別公私疏

孫漳

御史

懲欺罔以杜後漸疏

鄭自璧

導成法以裨國計疏

劉繼文

都給事中

舉欺弊以慎考選疏

鄭自璧

罷廠衛暗訪以安人心疏

舒化

懲奸黨以隆新政疏

汪文盛

給事中

卷十一

爵賞類

杜傳乞以光聖政疏

夏言

禁傳乞以惜名器疏

屠僑

靳惜名器以懲奸頑疏

鄭自璧

抑倖進以遵大禮疏

鮮一貫

杜請乞抑冒濫以慎名器疏

劉體乾給事中

重爵賞以彌繁端疏

鄭自璧

惜名器以絕厲階疏

金獻民兵部尚書

慎爵賞以正國體疏

汪淵御史

慎爵賞以嚴主威疏

張九敘都給事中

慎爵賞以戒不職疏

鄭自璧

漸濫恩以重名器疏

鄭自璧

慎名器以愜公論疏

許復禮

漸濫予以重武階疏

鄭自璧

重官賞以全國體疏

安磐

慎重爵賞疏

張原

慎名器以保全功臣疏

胡訥給事中

慎名器抑冒濫以正國體疏

管大勲給事中

辭封爵普恩賞以彰國典疏

王守仁新建伯

再辭封爵普恩賞以彰國典疏

王守仁

慎名器裁幸恩以隆聖治疏

周弘祖

獻忠忠以永圖善後機宜疏

張鹵

卷十二

國是類

去疑二專委任以杜神效疏

張達

持公論破私黨以定國是疏

曹嘉猷御史

明公論以消私黨疏

陳講御史

正名義以杜邊患議功罪以存國體疏曾忭
中
都給事

採輿議以定大計彌遠患疏曾忭

敦國體共濟時艱疏周怡
給事中

正人心定國是以保和平疏汪文輝
御史

用人類

辨忠邪以存國體疏趙漢
給事中

有言官彰聖德用將才以固根本疏廖紀
吏部尚書

擴大公以贊聖治疏霍韜

昧死陳言以效愚忠疏楊名
編修

數名實辨邪正以隆治道疏

毛愷御史

存君子退小人以裨聖治疏

浦鉉御史

廣至明太英斷以昭盛德疏

謝汝儀御史

欽奉聖諭疏

趙貞吉大學士

遵憲綱考察御史疏

王廷相都御史

揭官箴明士節以正始進疏

葛守禮都御史

卷十三

援直類一

乞貸直類近臣以昭聖德疏

張紳

加意聽納以省空言疏

章僑

保全諫官以開言路疏

鄭一鵬

陳末議以重臺諫疏

王時舉

容直言露嚴譴以廣聖聽疏

陳時明 給事中

有愚直以彰聖德疏

陳逅 御史

宥狂直以開言路疏

黃仁山 給事中

宥狂直以崇實政疏

鄭大經

請濟天威以弘聖德疏

鄭洛書 御史

重言路以廣聖德疏

馬永 總兵

均恩赦過以實修省疏

陳守愚 給事中

廣求言以達民情疏

余才

光祿少卿

有愚直以開言路疏

浦鉉

宥言官以廣忠益疏

鍾繼英

御史

弘慮受以隆至治疏

馮成能

都給事中

廣延納以隆大業疏

駱問禮

給事中

開言路以全聖德疏

王嘉賓

御史

卷十四

援直

優言官以存大體疏

馬錄

御史

有狂直以光聖德疏

韓楷給事中

有狂直以安宗社疏

葛鳴給事中

弘聽納以別淑慝疏

王時柯御史

有狂直以振士氣疏

鄭一鵬

有言官以弘化理疏

程啟光

霽威嚴以平政體疏

黃宗明兵部侍郎

垂天戒以宥罪赦過疏

魏良弼給事中

應詔陳言疏

周天佐戶部主事

優容言官以廣忠益疏

龐尚鵬都御史

鑒亮建言臣工以昭聖德疏

岑用賓給事中

俯有往直言官以彰聖德疏

張煥給事中

表忠類

表忠義以維世道疏

楊傑給事中

憫忠貞以勵風俗疏

趙允御史

錄忠裔以均恤典疏

章僑

廣恤典以光聖治疏

王治都給事中

廣恤典以勸忠義疏

龐尚鵬

錄愚忠以光聖孝疏

陳洪謨都御史

闡幽忠以彰聖德疏

旌功類

旌忠勇以昭激勸疏

沈東給事中

廣仁恩以振紀綱疏

陳洪謨

崇節類

籲天願代夫死疏

張氏楊繼盛妻

援瀝血誠懇恩身代夫囚疏

張氏沈東妻

卷十五

財計類

明會計以預遠圖疏

馬森戶部尚書

節省以足國裕民疏

劉體乾

重國計以保盛治疏

黎貫御史

酌議任官事宜以裨國計疏

鄭大經

敷陳愚見以闡足國疏

李邦義都給事中

定經制以裕財用疏

駱問禮

節內省以重大計疏

張漢卿

清查欺冒以裨國計疏

詹仰庇

節財用以固邦本疏

李已

講求財用疏

靳學顏都御史

弘遠慮責實效以濟富彊疏

潘潢尚書

淮鹽利弊疏

霍韜

處鹽法以濟邊儲疏

郭鋈都給事中

卷十六

邊事類

罷開馬市以絕邊患疏

楊繼盛兵部主事

處夷情疏

霍韜

振紀綱以綏四方疏

胡經編修

平政令以定危疑疏

魯忭

正名罪慎舉用以杜姦萌疏

曾忭

杜狡夷以安中土疏

張翀

陳膚見以贊修攘疏

王燁給事中

申飭邊臣以圖善後疏

丘棼都給事中

條陳邊計疏

楊博吏部尚書

重邊防以蘇民命疏

王希文給事中

勘處倭寇事情以弭後患疏

牟承勛給事中

申嚴邊防以弭虜患疏

唐龍都御史

議防虜事宜疏

許瓚尚書

明賞罰以靖地方疏

鄭自璧

明戰守以安畿輔疏

張東壺給事中

敦實效以成安攘大計疏

曹忭御史

採衆言定國是以便遵守疏

王瓊兵部尚書

陳末議以贊安攘疏

張鹵

經畧邊務疏

李棠都御史

卷十七

武備類

嚴武備以壯國威疏

陳時明

修兵政以固根本疏

管律

修舉農兵以壯邦本疏

葛守禮刑部尚書

預上京營五論以大振戎機疏

張鹵

外戚類

抑爵賞以圖治理疏

曹懷

惜名器以全戚畹疏

王璜

重名器以全戚畹疏

張仲賢御史

裁抑戚畹恩倖疏

張漢卿

議禮類

行大禮以慰人心疏

周冕

舉曠典以備大禮疏

唐皋

舉行盛禮以安群情疏

馬明衡御史

守禮義以明國論疏

鄒守益編修

導成憲以昭典儀疏

唐胄郎中

議舉典禮以隆聖德疏

王治

除胡邪正祀典以昭華夷大分疏

陳棐給事中

酌議從祀先賢疏

周弘祖

重陵寢培國脉以息群議疏

夏言

叅酌古今慎處廟制疏

夏言

重陵寢黜邪佞以安宗社疏

胡世寧

病痼陳言畢獻餘忠疏

胡世寧

正祀典以光聖治疏

姚涑修撰

薛瑄從祀議疏

霍韜

卷十八

民隱類

議救災預防後患疏

何孟春

全太信昭至公以惠窮民疏

張漢卿

賑濟疏

唐龍

輿地類

議天下郡縣繁簡疏

楊博

查勘畿內田地疏

林俊

河渠類

議處黃河疏通運道疏

霍韜

曆律類

正曆元以定歲差疏

華湘

請改曆元事宜疏

鄭善夫

稽古樂以禋盛典疏

廖道南

刑獄類

平刑獄以服人心疏

劉濟都給事中

信法令以全紀綱疏

曹懷

平大獄以圖治安疏

韋商臣大理評事

正國法以光聖德疏

唐樞刑部主事

酌議緝訪事宜以廣聖恩疏

歐陽敬中都給事中

申明律例以全民命疏

葛守禮

正國法以銷禍本疏

龐尚鵬

禁刑獄之濫以慎職守疏

毛愷刑部尚書

守成憲以平國法疏

王溱御史

請辨馮恩罪狀疏

王廷相

卷十九

糾劾類一

亟慶倖臣以保新政疏

趙漢

糾劾近倖疏

章僑

嚴禁令以杜奸謀疏

章僑

全國體以振紀綱疏

王廷都御史

嚴究恣肆內臣以端近習疏

詹仰庇

黜姦佞以隆治化疏

楊永祐刑部主事

除大姦以信號令疏

林鉞御史

消姦黨以重朝廷疏

孟奇給事中

逐憚人以端治理疏

張原

乞黜貪縱內臣以昭聖斷疏

王忬御史

黜姦閹以清弊源疏

鄒應龍御史

申逆罪正典刑以彰天討疏

林潤御史

孫應奎給事中

王廷御史

朱伯辰給事中

林潤

林潤

方鳳

卷二十

糾劾

高時中都給事

劾奸貪驕肆武臣疏

謝瑜御史

罷黜奸貪以清治本疏

徐學詩刑部郎中

糾奸惡疏

王燁

早正奸臣誤國以決征虜大策疏

沈鍊錦衣衛經歷

究正輔臣冒濫軍功疏

周冕兵部郎中

糾劾誤國輔臣疏

王宗茂御史

察奸邪以清政本疏

吳時來

亟處大奸巨惡以謝天下疏

張羽刑部主事

早誅奸險巧倭賊臣疏

楊繼盛

早除元惡以圖安攘疏

董傳策刑部主事

貪橫廢臣欺君害國疏

鄒應龍

亟懲暴橫武臣以伸國法疏

浦鏐

糾劾狂悖武臣以正紀綱疏

張景華
御史

奸佞大臣巧辯誣罔疏

謝瑜

亟罷貪暴大臣以隆治化疏

鄭洛
御史

皇明兩朝疏抄目錄終

皇明嘉隆疏抄

大名府知府維揚蔣科

同知雍丘閔立

通判固原黃緯

推官汝南羊可立同校刻



按疏抄刻本無論近年諸疏當從剛正即就其中門
類參錯篇章紊亂一檢閱間多有彼淆於此初亂於
終或一疏而前後兩刻之或甲疏而冒以乙名者字
句訛謬板刻脫遺又其小者爾今俱稍為更定此後
郡中諸君子幸相與堅持勿令後之新貴人又復增
入致混原帙嗚乎前人悞矣後人豈容再悞也永肩
斯言庶見同志

嶧陽賈三近識

皇明兩朝疏抄卷之一

君道類一

獻愚忠以答 聖眷疏

楊一清

伏念臣章句孱儒柳蒲弱質遭際 盛時久塵仕籍既
廢而與任每無平文武求退而進位乃曠乎台衡頃當近
倖干紀之禍獲遂山林懷老之願驚駘久病豈有意於騰驤
朽木不凋分宜供於斧鑿恭遇

新皇御極圖任舊臣改任今官俾總邊鎮伏讀 制詞屢

有寬朕西顧之憂之 諭夫 主憂臣辱安敢避難

用是扶疾以起千里遐征誠願以其力之所能為者圖報

聖恩於萬一也邇者遽蒙

召還內閣之

命屢疏悃誠未荷

俞允進退維谷不知所為仰惟

陛下應運挺生代

天化育日新庶政而機柄獨操器

使群材而權度在已虞舜之好問好察知何加焉大禹之克儉克勤德斯懋矣

嗣位以來五年於茲敬

天法

祖愛民勤政日有華章不自暇逸然而求治之心徒切至治之效未弘臣竊觀正德年間乾綱下移權奸竊柄始則劉瑾中而錢寧後乃江彬海內騷然幾成大亂

陛下起而振之政務歸於內閣裁斷出於宸衷近臣
非惟不能與力亦且不敢與聞是宜天人協應海嶽效
靈奈何近歲日蝕地震旱乾水溢之災層見叠出至於物
異人妖有近代之所罕聞者聖德清明豈宜有此皆臣
下奉職不效之過也臣年老久衰非但乞骸骨將就木既
不能仰承聖眷任事供職若終無一言以去則上負
恩私下干物議其罪莫可自贖矣謹以今日至切至要者
䟽爲五事爲陛下陳之倘蒙留神覽觀俯賜施行於
治道不爲無補臣雖屏伏田野與世長辭復何憾哉然此
特其大要若夫陛下有愛民之心而民未阜康有任官

之誠而事多苟簡兵政密矣而夷狄不免於侵陵法令彰矣而奸頑未見其懲艾其他弊政尚多臣昏耗之餘不能盡述陛下責公卿之所有事書臺諫使得盡言必有陳其顛末以俟采擇者矣臣不勝惓惓愛君體國之至

一曰聖學臣惟人君一心萬化之本原也然方寸之微而衆欲攻之苟無詩書理義以維持之百凡聲色貨利奇珍之物遊觀田獵騎射俳優之技與凡異端邪術之流投閒抵隙皆足以動搖吾心而譏諂面諛之人又從而趨附之日積月累幾何不蕩蕩然而陷溺於物欲之中乎既為

物欲之所溺則於天下之事安能真知其是非得失之所
在務決去而必行之哉此講學所以為 人君圖治之第一
義也臣竊聞 陛下在藩邸時 恭穆獻皇帝專教之
讀書令紀善伴讀等官誦說經史一切玩好俱不令至前
一切儉人俱不得在側故 幽濟之德孚於上下恭默之
化洽於臣民 嗣位之初首開經筵祇循 舊章選擇儒
臣日侍講讀又聞 命內閣取尚書以俗說訓釋且為韻
語以便諷詠至於無逸洪範等編尤加嚴究書史之外凡
百玩好悉無所用天下之人皆謂仲虺稱成湯不遜聲色
不殖貨利周旦稱文王不敢盤於遊田以庶邦惟正之供

陛下盛德何以加諸是雖 天性高明而 獻皇帝之善教有之徵矣 臣愚竊謂 帝王之學與書生異不必求諸文詞之幽深不徒事夫章句之尋摘要在繼其功得其要而已 經筵有定期然儀衛森嚴勢分隔越恐講官不得効其忠 日講乃常典然往年或廢於寒暑或阻於風雨所謂一暴十寒之弊或不能免焉書曰惟學遜志務時敏厥修乃來詩曰日就月將學有緝熙于光明所謂時敏者謂勉於有所不及也所謂緝熙者繼續光明無少間斷也臣昔觀京師每見舊時講官其進講也多摘取書中好語稍有嫌忌者即不以講且其所講不過隨文釋義不能推

廣言外之意以開 聖聰又或於講終獻諛佞語以驕

上心臣知今日必不為此伏願 經筵之餘 退朝之後

日御 文華殿 命官進講仍乞降之 霽色接以 溫

言令其從容開說不許嫌忌其講經也務發明身心義理

之大要其講史也務推演興亡治亂之大原所謂必求諸

道于焉能自得師因而推及今日之政事某事有合於古

某事當用於今某事善可為法某事惡所當戒 陛下疑

神定慮默繹深思聞聖賢義理之論譬猶親近其人監古

人隆替之原設若身處其地有所疑必形諸 顧問有所

得必措諸躬行如此則講讀之制不虛行講讀之官不虛

設心常在於詩書理義之中百凡外物自不能奪之本源
澄徹而物理自明推之仁民愛物而無不通放之家國天
下而無不準致治之大本實在於此易曰正其本萬事理
大學曰其本亂而末治者否矣伏惟 聖明留意焉

二曰 聖政自古三公論道六卿分職我 聖祖稽古建
官以政事大樞分任六部即六卿分職之意我 太祖皇
帝始設 內閣簡儒臣居之以備 顧問職論思資望深
者荐加師保職銜以輔養 君德翊贊化猷即三公論道
之意 列聖相承皆不時 召見部院大臣面議政務日
與 內閣之臣密決可否金匱石室之藏不可見其見於

御製五倫書及故太學士楊士奇李賢等所著三朝聖
論錄天順目錄等編 君臣答問儼然唐虞都俞吁咈之
風百餘年來政事修舉道化隆洽實由於此至於臺諫論
列事情天下方面官述職來京得入覲 天顏面承 清
問不惟周知事之利弊亦得以見人之賢否逮至 憲朝
稀接大臣而上下之情始見疎遠我 孝宗皇帝弘治十
三年以後時 召太學士劉健李東陽謝遷并尚書馬文
昇劉大夏都御史戴珊等諮訪政務 面賜裁決昌大休
明之氣象至今思之正德年間 視朝稀濶大臣不復接
見以此盛福之權下移近侍紀綱法度幾於蕩然 天啓

聖皇誕膺 寶歷積年弊政剷除無遺廢黜奸佞登崇俊
良嘉靖之治跡為中興天下之政務必由六部擬議必由
內閣 皇上總攬乾綱 萬機獨斷近臣不敢干預可謂
千載一時矣但 內閣之官自 朝祭日講經筵之外未
聞時時接見六部等衙門未聞 召對商高宗之命傳說
曰朝夕納誨以輔台德又曰若作酒醴爾惟麴蘖若作和
羹爾惟鹽梅爾交修予夫既不得常接 天顏則交修無
所用其力納誨輔德亦或托諸空言及其久也壅蔽之患
生竊弄威福之人或出是出矣臣頌 陛下退朝之暇
進講之餘不時 召見內閣重臣將一切機務面議可否

取旨裁決六部都察院等官凡章疏之上并臺諫之臣
有所論列亦乞時賜宣召面加質問聽其盡言不許忌
避庶幾朝無失政國無隱奸非惟大臣不敢欺蔽行
私怠忽荒政而陛下亦得以明習天下之事矣

三曰聽言臣聞朝廷之有言路猶人身之有血氣也血
氣一日不流則百病生言路一日不通則百邪作古昔盛
時唐夫庶人皆得進言官師相規正執藝事以諫後世以
諫設官其途已狹若為諫官而後不得盡其言則朝廷
耳目將誰托耶我國朝設立六科十三道皆以言為責
列聖相承未嘗不以開言路為事言路開則庶政清言路

塞則庶政紊矣 陛下即位之初求言如渴納諫如流凡
科道官有所論列輒下該衙門看了來說又或 褒之以
所言有理其所建白多見 施行言路可謂大開矣柰何
各官人品不同識見各異通達 國體實心効忠者固多
事體未練輕率妄言者亦有以抗直為尚者每過乎激襲
見聞之偏者多失其真或一事而辨論無休或數人而自
相矛盾遂至上干 天威每加詰責雖多所冀貸亦或因
而貶黜者有之甚至有下之詔獄者有械繫入京者似與
聖主從諫弗拂者不作似與 初政聽言之意不類然此
非 聖德之不能優容其實諸臣有以自取之耳願彼言

官雖涉狂妄猶勝緘默雖涉愼直猶勝軟熟論事有過當
其心必自諉曰我所見如此不敢不盡也論人有失其必
曰我風聞如此不得不言也若從而詰責之罪黜之自非
灼有定見確有定守者孰不思全身遠害而為容容唯唯
之歸耶竊恐中外相傳以言為譴弊政無由而祛官邪無
從而糾民隱無從而達天下之事入於弊矣嘗聞陸贄
之言曰諫者多表我之能好諫者直示我之能容諫者狂
誣明我之能恕諫者之漏泄彰我之能從有一於斯皆為
盛德李絳之言曰人臣死生繫人主喜怒敢發口諫者有
幾就有諫者晝度夜思朝則暮戒比得上達十無二三故

人主孜孜求諫猶懼不至况罪之乎近歲以言得罪者臣
不能知其詳悉不敢泛有所指且如去歲冬間御史侯秩
論臣不宜入內閣上激聖怒降二級邊方用夫秩之
論臣雖無據心實無私臣之昏老妄不當用陛下雖
誤用之臣亦不能自強侯秩所言不為無見伏願陛下
遠師帝王聽言納諫之德近循初政樂聞讜言之美今
後給事中御史論列時弊指陳缺失及糾彈官僚者一一
親賜省覽擇其言之當者或即賜施行或令該衙門看
詳覆奏上請定奪其有未當亦乞由賜優容置之不
問仍召還侯秩復其舊官或令吏部量才陞用豈但愚

臣之心獲安而兩京言官皆得安心舉職矣再乞 勅吏部通查二三年來以言得罪之官開具事由疏名上 請或復其舊職或量為叙遷如此則 聖德彌光治功有補凡有言責者感激奮發孰不思所以自効哉

四曰宥過仰惟 赫穆獻皇帝至仁大德克敦 天心篤生我 皇上濟龍升御 出震繼明奠萬國於熙平罔群生於嘉靖推厥本源功德隆矣 皇上嗣位首議尊崇之典考經據禮至再至三既而采納廷議斷自 聖心尊尊親親亦既兩盡無復遺憾夫何一時言禮之臣不能推廣聖上因心之孝紛紜牴牾力持初說終當率衆伏 闕諍

策無忌在禮法為不恭在事體為不順上座 聖怒
士豐熙即中余寬等下之 詔獄加之簪笄或充軍
民甚至有斃於杖下者罪誠自取夫復何尤但推原各
大抵徇於學術之偏襲於聞見之陋其心惟恐 陛下之
所處者有乖典禮將為 聖德之累不思 陛下之所處
者正所以為禮也今經二年矣充軍者羈管遐裔有同戍
役之夫為民者緇齒村氓不與衣冠之列雖有自新之念
無復自致之門所以銘該大臣言官築有論列未荷 俯
從近該御史張袞具奏奉 聖旨該部看了來說中外臣
工欣然稱頌既而吏部覆題又復報罷衆心惑焉夫 陛

下之罪諸臣者亦因其可怒而怒之俟其改悟固未嘗終
絕之也譬如上天之於萬物霜雪雨露皆所以為恩然
霜雪摧折必有雨露之沾涵然後群生得遂未有嚴寒之
後不繼之以陽春也陛下始因諸臣罪狀可惡而寘謫
之又因其能自改悔而收復之正合天道生長肅殺之
意臣湖南人也稔聞獻皇帝容人恕物之量陛下體
而行之獻皇帝在天之靈必無不喜且慰矣孟軻氏曰
人恒過然後能改困於心衡於慮而後作諸臣抱罪既久
悔悟已深叙而復之必當有以自効伏願日月回照
雷霆震威乞勅該部通查言禮被罪之人充軍者令其

生還鄉里為民者量授一官叙用不幸因箠致死者亦令
有司優恤其家庶足以見 聖德如天無所不包非惟被
罪之人感再造之恩而尤為臣工皆興踴躍愛戴之誠
矣

五曰和衷臣聞之書曰同寅協恭和衷哉釋之者曰君臣
上下當同其實畏協其恭敬誠一無間融會流通民彙物
則各得其正所謂和衷也夫 君尊如天臣卑如地其情
易疎而難親其分易睽而難合故天氣下降地氣上騰然
後歲功成 君澤下流臣誠上達然後理道立 上下不
交則德業不成有國者之深慮也 陛下即位之初 召

用舊委任忠良視大臣如腹心崇獎臺諫聽受謫言待
群臣如四體上下可謂交矣中外欣欣謂和衷之化可
成矣自夫大禮議興大小臣僚不能仰體聖心推廣
聖孝各持初見務求必勝朝廷之上如聚訟然二三言
禮之臣乃援古典執經義以釐正之於是輟論歸一而
大禮告成矣然自是上下之情不通和德之風不著是
皆群臣負陛下而陛下何負於群臣哉夫虞廷九官
濟濟相讓推賢讓能庶官乃和竊觀近歲臣僚正直忠厚
之道微乖爭凌犯之風起惡聞人善而樂談人之過失務
驕仇者不顧朝廷之事體喜攻訐者不究事情之虛實

公卿降志於庶僚賢否混淆於橫議或因一事之失而槩
其平生或信一人之言而輒相附和忿戾之氣每形於章
奏交構之辭幾成乎罵詈自古太平有道之世未嘗有此
不可聞於門夷不可訓於後世伏望 陛下恭已責成
虛懷聽納 元首股肱上下相濟手足腹心相視一體便
上之情必宣於下無壅蔽之憂下之情必達於上無扞格
之患伊乞 天語丁寧戒諭中外臣工各以恭遜相師毋
襲猜忌之風以悖大成俗無崇儼薄之行協心以理 國
事如輔車之相依同德以亮天工如巨川之共濟然大臣
者庶僚之表也尤當廓有容之德体包荒之象求賢如恐

不及見善如已有之正身以率下則孰敢不恭平心以應
物則孰敢不服示以和典禮之衷予以迂衡平之治大臣
既和則庶官無不和矣然所謂和非和光同塵之謂也不
矯為異所以為和不苟為同亦所以為和古之大臣上幾
論事至有異同不~~失~~不失和氣何者其心公也公故和
凡其比周朋黨相~~善~~相惡者皆私心為之也臣願 陛下
和德於上百官和德於~~朝~~朝萬民和於野漢臣所謂心和
則氣和氣和則形和形和則聲和聲和則天地之和應之
由是三光全而寒暑平五穀熟而民人育諸福之物可致
之祥無不畢得豈但災沴可~~消~~消而已濟未盡之年惓惓一

卷之六

晉書卷之六

晉書卷之六

一

陳愚見以裨 聖化跡

劉忠

先於嘉靖二年六月二十九日該臣本縣移文令臣知會
節該欽奉 聖旨優禮老成朝廷已屢有勅旨了劉健等
還著有司時加存問欽此欽遵於次日詣臣家存問臣
扶病望 闕謝 恩訖切念臣以蜉蝣妄幻之軀混麟鳳
郊藪之跡 殿閣則駢聯孤卿之銜品彙榆則重拜問使
之旌麾天光被於綠簑露滑零於擁腫昔平格或能僅有
今賤子幸乃並收寵並乾旋老當屯邁將危將殆且悲且
歡歌枕授意令子代書效哀鳴之禽非擇音之鹿無馬卿
道稿於牀頭切史鮑諫餘於牖下切惟 人君莫先於定

國定國莫先於正身然 君身所謂正者其大要在於畏
天嚴以定萬年建 國之本奉 祖訓以永萬年垂統
之本正 聖心以端萬年傳家之本勤 聖學以清萬年
幾政之本兢兢業業馭朽履冰此古今帝王貽厥燕翼之
良謀 中興英主能自得師之首政也其次則在於進君
子以退小人退小人以安君子所謂君子者公清直大廉
靜光明其學負以道事君之正其節有不可則止之堅操
天度之權衡殿 國是之位置得是君子用之其引援非
道德之清流則典刑之故老彼小人者或勸於善或逃於
野而天下政治日趨於太平矣所謂小人者陰險奸惡嫉

賢妬善納賄招權口蜜腹劍結與援以固寵榮諂言路以
規舉劾鮮廉寡耻辱道喪心誤是小人用之必引援惡黨
以助奸進拔邪佞以延譽彼君子者甘老死於丘樊不遺
聲於名教而天下政治咸墮其術中矣昔林甫懷毒於鷹
揚而九齡輩驚心於挾免張銳溺於鼓鑄而懷慎輩貪死
於蒸毛邪正進退之機否泰於此攸繫此臣拳拳以進君
子退小人爲第二義也又其次伏望 皇上守藩邸之初
心念 靈長之洪祚無以逸遊而啓荒縱之源無以晏安
而忘憂勤之念無溺聲色以敝精神無嗜禽酒以昏心志
無以狂直不識忌諱而爲言路之罪愆無以請謁陰行詭

計而致號令之中止無聽甘言陰為邪佞以延譽無納讒
言以防深厚之詐欺惜賞賚以節民財罷土木以蘇民
力選將必登壇之材擁虛品而冒爵賞者無容濫等練兵
必趨關之勇縻廩庾以困征輸者無令蠶食治道與危機
一念恒存於意外內脩與外攘大政時加於作新蓋此數
者姑舉大凡昔愚臣在講筵之時恒藉以為諷諫之助後
因進講真德秀大學衍義之編切感隋煬帝荒淫敗國之
政又上言曰煬帝所為如此便是禹湯文武之子孫也要
滅絕况隋無積善之基者乎狂言犯萬死之誅先帝無
幾微之愠續叨內閣忝與政幾同官悉三壽之良獨臣

乏得之助乃退而恭成一疏思進以仰贊萬幾屬當
休退未獲進呈其大意請聖駕隨時早晏臨御文華
殿召輔臣密授懿旨左右分行各授紙筆令其疏寫兩
京九卿長貳之賢能各省撫按藩臬之卓異即於各官銜
下直書數言務出知見之真不墮毀譽之計又時與六卿
長貳之中或次第以承宣撫巡藩臬來朝亦不時以
賜問其轄內寮屬之賢州郡民牧之最軍民之大利大
弊政務之可革可興仰荅聖問一如輔臣之例無事虛
文仰承德意會萃愈言繕寫二本以一留中以備御
覽各以一付之內閣吏部凡遇繁劇之差除不次之超

拔更量材品各委責成其未在所舉者照舊循資自知勉勵庶才稱其官官勝其事擇才於無事之日獲用於臨事之時古大臣夾袋之書古賢君書名御屏之意聖王清問下民之心或者亦出於此臣肉食四十餘年叨閑十有餘載敢借垂死之筆少贖枉生之愆但蟣虱已弔湯沐之既具大馬已迫於帷蓋之既陳神思荒迷語言狂悖石室秘藏不能啓帝王心印之寶篋雖黃舊筆亦有愧伏翁口授之漆文執筆卷以窮言未得於片言隻字存白頭之故習何有於乃志乃心伏惟 俯賜哀矜曲加採擇則臣雖死之日猶生之年也臣干冒威嚴不勝隕越

上下一心同濟 聖治跡

湛若

臣近觀進忠言者或斥姦邪之惡或規 聖政之缺皆蒙
聖德包容而未見繹改近幸未見憂悔二者蓋未知安
危利害之相關是以不能痛切而猛省也臣得以近事明
之 陛下龍飛水國習知舟事請以舟喻諺云同舟共濟
豈不信哉豈不信哉夫天下一大舟也治亂安危未有津
畔猶濟大海也本在人主之一心猶夫舟之舵也公卿賢
士輔導之臣運籌指方猶夫舟之有長年三老也百僚宣
力猶夫篙師榜人焉之左右也內臣外戚猶夫附舟之人
也天下民庶實為邦本猶夫君之寶貨在載也故附舟之

人與寶貨之利害在舟之安危舟之安危在舵之張弛舵之張弛在長年三老之操縱而篙師宜力與否也故舟危則凡在舟者莫不危舟安則凡在舟者莫不安有恃寵壞法以敗人國家如同舟之人鑿舟而破之自以為安而鮮不先者如 先朝之跡而不知鑒也可謂智乎故欲濟中興之善治者莫若正君心欲正君心者莫若親輔導知學之臣欲不聞輔導知學之臣者莫若左右僕從勿用匪人故一正君心而萬化理矣諺云同行同命君臣內外以之今 陛下不急親儒學之臣不聞正心之術乾剛未奮宰制不施物政漸不克終近習漸為蒙蔽天戒屢見不實脩

省科道大臣交章未或舉行臣恐如舟之舵漸弛矣左右
親信之人蠱惑上心不引之以聲色則引之以異教親
戚希無厭之賞近違奪法司之獄刑賞僭差紀綱廢弛是
皆所謂同舟之人鑿舟而破之而不知自溺之禍者矣大
臣見斥則將相繼求去如尚書林俊孫交者百僚視之人
懷危心是猶長年三老高師榜人引去而誰與宣力矣天
下萬民莫為匡濟臣實痛心渺乎不知舟之安危也伏乞
陛下察同舟之義講學以正心親禮大臣聽用科道百
僚以輔理戒諭左右親幸之人使勿壞事鑿舟以自溺則
內外臣工庶咸有濟於無涯之福矣臣非糾劾之官然職

在以學術開導人主誠有所見不敢不陳

陳愚見以保治安疏

譚續

臣伏讀易傳曰危者安其位者也亡者保其存者也亂者有其治者也是故君子安不忘危存不忘亡治不忘亂是以身安而國家可保也今天下事至正德十六年竄入危亂其去敗亡者無幾矣皇天眷祐九廟有靈篤生聖人入承大統天下臣民思安如救溺頃治如拯焚圖存如追亡陛下即位以來奉天勤民賞善罰惡痛懲前弊革故鼎新固未嘗不汲汲圖治以答群望也臣以為今日之事治之名則有矣治之實則未也夫事常患於名勝而實不足天下無治之名則君臣之間尤以為未治思有

以圖之惟其名勝而實不足則玩愒歲月坐失事機不惟其治而亂已潛藏隱伏於其中矣昔賈誼在漢文帝時欲為之流涕為痛哭陛下之聖明遠過文帝臣之最愚尚不如賈生陛下自以為今日之事比之文帝之時為何如也臣竊憂之憂之而不言言之而不盡其心皆非所以勉修職業圖報陛下也是以輒忘愚陋不避斧鉞謹條陳四事一曰澄聖慮以鑒興衰一曰親大臣以脩時政一曰開問辨以新聖學一曰容直言以廣聖德臣昧萬死為陛下獻陛下察臣之心矜臣之愚不錄其罪不以封非見遺少加採納脫或於新政有補萬一九

死其無憾矣。聖慮以鑒興衰。臣竊謂天下事無大無小。要必歸於人心。思慮之中。故孟軻氏曰。思則得之。不思則不得也。天下事若委置之思慮之外。漫不經意。鮮有不顛仆者。仰惟陛下上承祖宗萬世之洪基。下負中外人心之仰望。以一人而御四海之廣。以一人而應萬物之衆。所居者何地。所守者何業。可委而不切於思乎。臣以為不必遠求。唐虞泛觀。千古請於孝宗一十八年。洊至隆盛。先帝一十六年。幾入敗亡。少據聖慮。究其所以。在孝宗朝其敬畏天戒者何如其恪。守祖憲者何如其親信大臣者何如其開納忠諫者何如其培植國脉者

何如其愛養民力者何如其慎重名器者何如其寬征薄
斂者何如其使諸司不失其守者何如其使人人之樂於
効用者何如至今父老言及孝宗朝政至有泣下者蓋
思慕之切真如赤子之於慈母也在先帝朝一切反之
以致末年大壞極弊宸濠乘隙而妄竄寧府諸宗室以此
而連禍茲皆陛下在藩邸時目擊耳聞非臣子所忍一
一盡言也臣以為宸濠之變先帝啓之寧府諸宗室之
死宸濠使之使先帝守祖宗之法體孝廟之心則
宸濠必不敢妄竄神聖而寧府諸宗室不遭屠戮保全
國家矣臣知陛下於此固未嘗不為先帝惜亦未必

不為寧府諸宗室痛也然深宮無事之時夜氣清明之際
於先帝之所以招亂孝宗之所以致治曾一仰思之
乎今日朝政敬天法祖用人行事親賢納諫勤政
愛民果能一一皆孝宗之舊乎亦或有一二已蹈先
帝之失乎臣以為殆未之思也登極以來惟改元一詔
深類孝宗行事所以收拾既失之人心培養已喪之元
氣宗社萬年靈長之命脉正切於此改元之後漸不如
初矣今日之事又漸不如元年矣一二年後臣又不知為
何如也臣願陛下凡一切舉動澄其念慮此在孝宗
朝何如其在先帝又何如務痛懲其所以如先帝朝

者力追其所以如 孝宗朝者由此而進之三王五帝不
難到也若但苟且因循漫不著念臣恐養成禍本紀綱壞
於上風俗壞於下民愁兵怨 國步日危後之悼今亦如
今之悼昔也詩曰殷鑒不遠孟軻曰禍福無不自已求之
者此 社稷興衰之介天下治亂之機惟 陛下其深思
之親大臣以脩時政竊謂內閣大臣在 陛下為腹心之
寄六部大臣在 陛下為喉舌之官故曰元首明哉股肱
良哉庶事康哉謂之曰元首股肱蓋言君臣相為一體不
可岐而為二也 陛下所以處之者貴親而不貴疏在心
而不在外宜著實任用不宜禮貌虛文今在位大臣一切

事務託之章奏章奏之外竟為限隔臣以為大臣不時
宣召相與商確政事效在唐虞三代聖帝明王行之漢唐
宋英君誼辟行之我 國朝 太祖 太宗 仁宗 宣
宗 英宗 孝宗行之最限隔者 先帝一十六年在位
大臣未開一 宣召 先帝時 朝政日非其悞正在此
陛下登嗣寶位已入二年其諸大臣曾幾蒙 宣召相與
議及時政乎不意 陛下之聖明乃於 先帝之已悞者
不改圖也臣頌 陛下自今以後但凡一切事關機務政
切大體者宜御便殿宣召大臣相與面議斷自 聖心以
決行止如是在臣下不致多煩章奏 陛下不致多瀆

震聰最爲簡便 陛下何憚而不爲哉如大事大疑該吏部者 召內大臣并召吏部堂上官相與商確裁決施行其餘別部并三法司重務俱一例 宜召周歲之間不拘日月一日之內不限遲早因而據外以察其內因跡以究其心某忠某詐某正某邪某據誠體 國某固寵懷私久則未有能逃 聖明之見者於是本之 聖斷量爲去留設或不公不法縱跡詭異於人望不協於公論有違者臣等料道官有所見聞聽其舉劾如是在位大臣不奉公守法以忠 陛下有是理哉如是而 主威不立國勢不昌綱維不舉刑政不清民力不裕軍政不修者有是理哉

陛下泥而不行意者謂其為舊規乎所謂舊規者非我
祖宗列聖之舊規非漢唐宋英君諠辟之舊規非唐虞三
代聖帝明王之舊規特我先帝朝之舊規爾況凡事當
裁以大義度以經權事當更化何拘於舊規事當守成何
拘於創立臣願陛下急改圖之所以上迨宗社之福
下登蒼生之望者在此也開問辨以新聖學臣竊謂開
人君之致治本於道人君之求道本於學故堯舜禹大聖
人也生而知之若無待於學矣其言曰人心惟危道心惟
微惟精惟一允執厥中口精曰一曰執者明雖生知亦未
嘗不資學以有成也學而有切于治道有補于聖心臣以

為非問辨不可故書曰舜好問孔子告萊公曰博學之審
問之慎思之明辨之篤行之易乾文九二論聖學曰君子
學以聚之問以辨之寬以居之仁以行之唐太宗開文學
館一時儒臣杜如晦房玄齡等十八人分為一番更日直
宿暇日輒至館中講論文藝或至夜分我 國朝楊上奇
解縉等七人在 太宗時旦夕侍左右承顧問兼稽古纂
述之事不虛寸晷自古人君養成君德以隆治化延 宗
社靈長之慶造生民無窮之福未有不兼勤學好問而得
之也通者傳奉楊二日 經筵大小臣工無任忻忭陛
下切於求道勇於進學之心是可見矣仰酬 聖志俯慰

群望豈復有加於此哉然道在六經有是非得失邪正之
歸事在諸史有公私理亂興亡之鑒勸講之臣所以啓沃
開導聖心者要不出於此然天威嚴重下情惶惑而
義理之在經傳又非急遽嚴憚中所能盡意兼是三者欲
其有所啓沃開導恐亦難也在臣下近於空談或者無益
于治體在陛下徒為色受或者無補於身心臣願陛下
下自今以後儒臣進講之時少降威重賜以溫顏反覆
問辨咨訪道理於一章中或要指未會於一句中或體認
未明何者於政體最關何者於治道殊切務虛聖懷究
極所以如是則勸講之臣舒徐展布必能盡其委曲發其

明倫彙編 家範典 卷一百一十一
與妙該貫詳明巨細畢舉庶亦無負於格心之責矣仍乞
再命儒臣於我國朝遠而祖宗列聖近而孝宗
皇帝朝故事有裨於社稷有關於治體有益於生靈者
編作講章進講之次序入一條相挽講論一以仰見我
祖宗列聖保邦致治之意一以見陛下憲章述祖之心
如是而聰明不日開君德不日成志氣不日強聲聞不日
美政效不日彰者未之有也臣於陛下深願望焉容直
言以廣聖德臣竊聞古者天子聽政使公卿列士獻
詩史獻書工誦箴諫庶人傳語是古之人君舉動凡人皆
得言之不特言官也舜戒其臣曰予違汝弼汝無面從退

有後言伊尹告太甲曰有言逆於汝心必求諸道有言遜
於汝志必求諸非道傳說告高宗曰木從繩則正后從諫
則聖是古之聰明睿智之君未有不求諫為急也前賢
范祖禹曰天下如入一身一身必血氣周流無所壅滯而
後能無病從諫者使下通上意上達下情如血氣之周流
於一身故言路開則治言路塞則亂治亂之間係言路而
已我國家稽古定制設立給事中御史等官寄以言責
蓋防臣僚不法時政失宜朝廷用之為紀綱陛下委
之為耳目凡官曹設施措置垂方刑賞黜制朝廷政事
得失天下軍民利病許其舉劾言雖過當亦示曲全無非

為宗社生民至計也臣見近來言官言事不惟不用其
言而且罪之今不惟罪之而又外黜矣臣子立君之朝
當死君之事降黜豈其所避哉臣實不忍立陛下之
清朝尚見此舉動也言官不足惜國體可不顧乎先
帝朝權奸播弄威福凌虐百官蔽塞言路其初正類此前
轍已覆後車可不戒乎臣恐陰邪得計巧飾成風忠良喪
心言者結舌是非莫辨勸戒不明縱竭節盡忠欲報陛
下皆懼謫畏禍不敢挺然常國家之事若是而望體統
正紀綱立政體清國勢自若是理哉宋儒張栻曰平君
無犯顏敢諫之士臨事無伏死義之臣晉平公問叔向

曰 國家之患孰為大向對曰大臣持祿不極諫小臣畏
罪不敢言下情不能上達此患之大者公曰善於是下令
曰吾欲進善有謁而不能通罪至死晉平公且如此況不
為晉平公者乎望 陛下擴山澤之通大虛受之量勿罰
及無罪以失平明勿阻撓職官以壞執守勿過罪言官以
喪士氣勿常差官校以搖人心勿濫賞外戚以重民力勿
信任巧飾以叢衆怨遵崇 祖訓禁却時失虛已以受犯
顏必容上以彰 陛下好諫之誠下以免 朝廷舉動之
失雖堯舜禹湯文武復出不是過也以上四事臣一得之
愚感時念切遭值 聖明不知忌諱上冒 天威不勝戰

慄待罪之至

立本慎幾明法以廣 聖德以保大業疏 沈教

臣惟人君繼世而有天下天下之大主之一人上有宗廟社稷之重下有四海蒸民之生前有祖宗垂創之艱後有子孫長久之計一日而委萬幾之紛叢一舉而係萬世之仰瞻苟頑治之志未定而治道不于其大者圖之則德意不洽于民心何以享治安之盛基業勿延於可繼何以紓負荷之隆若道缺失而天下將日去矣自古聖智之君必致念於修身立政之本而加慎于重熙累洽之時以之圖治則功成以之享治則澤久有道之長良不誣也仰惟陛下德妙日新業承富有夙夜孳孳勵精圖治期登天下

於全盛之歸蓋廣德而保業無所不至矣臣等方將仰成
不暇也尚復何言哉但臣猶有見聞不能緘默自分愚昧
不識忌諱敢試言之而陛下賜垂覽焉臣嘗考宋儒之
言曰天下有三大本也大幾也大法也大本一心也上
得天心中得聖賢心下得兆民心是矣大幾萬變也一曰
救弊之幾二曰用人之幾三曰應敵之幾四曰行師之幾
是矣大法三綱也一曰君臣之法二曰父子之法三曰夫
婦之法是矣是三大也德之所由行而業之所由固陛下
下不可不加之意焉者也臣請疏其十目條舉今日之事
而縷陳之聳聞陛下登極之日早雨旋霽五色雲見天

心之昭格是固有屬於鄉明而致理矣邇年來旱乾水溢
南甸之羸厓弗食山崩地裂西土之變異戾常方春而地
震不寧幾遍天下今淮揚且苦疫癘大行矣入夏而風霾
屢作竟至經旬今寧夏又報風火延燒矣若是者是殆天
心仁愛之深乃時出夫驚懼之象而人事脩省之實尚莫
襍夫召致之愆也 陛下之於天心固宜自考其得否矣
然則敬 天之怒上帝是祇者今可少自暇佚哉 陛下
即位之後 親幸太學起用老成賢人爭輔是誠翕然於
聖作而物覩矣邇年來 經筵日講一暴十寒聽諫納言
甲不移乙道揆法守可徵也所以遵用之者何如 成憲

舊章具在也所以率脩之者何如若是有者恐 銳意圖治

之念無以澄固於親近君子之時而望道未見之心終亦
必亡於幽獨得肆之地也 陛下之於聖賢心宜亦自度
其得否矣然則 聖不自聖賢以致賢者今可輕自棄忽
哉 陛下改元之始 詔頒大赦民樂更生生物情之欣戴
是誠所謂革故而鼎新矣邇年以來盜賊蔓於賑恤之無方
緝捕不見軍兵之用命夷虜肆於洮岷之潛入驅禦不聞
將士之好謀糧運過淮違限矣民困軍疲雖漕臣之自
効奚及京衛遊軍解散久矣官殘吏黷雖憲臣之清解何
加 陛下之於兆民心宜亦自驗其得否矣然則存心天

下加志窮民者今可漫自怠緩哉 陛下總攬乾綱因勢
而利導事制而曲防所以救弊者初亦甚可觀矣而迄今
則殺人者不抵坐似有以開輕視民命之端蠹國者免發
遣亦何以嚴悉除奸黨之戒織造之官是矣恐憑城社者
不顧村社之空龍虎之殿建矣恐求福利者弗啗縣鼠之
耗夫救弊猶防川也不惟其隄築之擇而又從而決之則
未流不可復塞矣然近者諫官還奏而太監王堂之撥軍
遂寢則又懋昭 聖明而凌逼之漸杜矣說者以為弊之
有救其幾正在於此語曰履霜而知堅冰雨雪而先集霜
非 陛下所宜深省者乎 陛下分正庶職登元臣於休

告復諫官於斥遣所以用人者初亦大稱善矣而迄今則太學士蔣冕辭去弗惜竟不為社稷之計尚書汪俊遽准還鄉曾不亮忠直之心以言為責如給事中鄧繼曾試御史季本等則譴逐勿容而奪之氣因事納忠如修撰呂枬編修鄭守益則詔獄勿貸而剝以膚夫用人猶任木也不察其梁棟之材而乃斲而小之則柱石無所資矣然作者銓曹舉相而太學士石瑤之眷任獨先則又允愜輿情而覲倖之萌絕矣識者以為人之善用其機亦正如此書曰知人則哲任賢勿二非陛下所宜常念者乎夷夏大防不可一日不辨陛下分番直於京操求將領於

武舉所以預待乎應敵者慮非不周矣但一遇有警所在
動搖月糧乏而屯田之政勿脩連營借給 內帑矣楊腹
之兵何以驅其力戰長技設而步射之訓弗習臨時以卒
予敵矣束手之卒何以望其成功失事之戮不嚴於玩寇
之官則曰姑青後効也而倉卒孰肯効死辟難之科不行
於改衛之職則曰方有新詔也而京師誰與守衛應敵之
機殆委之不察矣奸宄之萌蓋世亦不能免 陛下專設
總督於兩廂時遣總制於三邊所以定計於行師者備非
不飭矣但一旦多事飛報旁午腹裏之患似不足平而請
調邊兵或見於潢池之竊弄邊疆之急我則何恃而擄取

狼兵不問夫所過之騷然統絳膏梁之子不習戎行而手握兵符奚取於身先士卒少年新進之夫不讀兵書而遙制閫外何在其為師貞丈人行師之幾將自此不振矣天地之泰本於君臣之有義而君為臣綱則臣之得舉其職者亦由上之保全何如而其道尤在於相信耳 陛下端拱穆清而奔走群辟則既處之有章矣但禮分濶絕而情意或不孚揆事決策宰執不容于秉持而臺諫不容於補察議禮制度禮官無可以執奏而儒臣無可以論思詔許直言美言似切直者則以黜削不嚴恐長其漸而習以為常 勅同修省美職劾不修者則又据辱畢及將執

辭而欲加之罪若是則君使臣以禮之道乖矣將見忠賢
解而讒佞日衆臣為今日所甚惧也人道之久本乎父子
之有親而父為子綱則子之備極其孝者亦視分之限制
何如而其大則在於無違耳 陛下議隆大禮而蕪盡至
情則既行之曲賞矢但議論撓擾而意見或不定因心之
孝本無窮已而儀文崇厚禮宜有以制情罔極之恩自難
報稱而 位號尊隆名必湏于考實自 王國而統天下
天命人心固自有在也然始封之地 統緒當存而不可
忘其所由興先 尊尊而後親親天理人情於是為至也
然 大禮既定邪說可廢而不必徇其所偏執由是而天

下之為父子者定矣故德教加於百姓刑於四海臣為今日所深願也家道之正本於夫婦之有倫而夫為妻綱則內之所以長發其祥者亦由外之所以保合者何如而其要莫先於正始耳 陛下年方富於春秋而位正乎內外則居室之宜矣然 宮闈雖近而大順所由闕 儲嗣不可不念關雎和樂而後麟趾振振斯 國本為有繫本支期於百世鷄鳴警戩而後家人嘯鳴斯 祚胤為無疆節欲於言語飲食此身常使強固也則必近嚴敬遠技能以養 壽命之源慎動於出入起居清明常在躬也則必檢姻戚杜請託而真露長之祚若是而王教之端無不舉矣

夫臣之有言則既如前但言或有過心則無他惟陛下
採而擇之因言以考實不以為可棄而以為可行省察
於念慮之微體驗於事為之著持循於朝廷之上檢束
於燕獨之時事天必修德以召祥致治必法古以建極
御民必行仁以成化救弊必拔本以塞源用人必信任以
責成應敵必治內以攘外行師必推敎以布威君臣必孚
誠以合道父子必則義以弘恩夫婦必養福以達順如是
則聖德之治無以廣大大業之固益以永長矣臣不勝
惓惓願望之至

稽古脩德以答 天眷疏

周相

臣竊惟黃河之清所以應聖人之出天生 陛下為中興之主固宜有是澄清之徵然河之未清不足以虧 陛下之聖清而張大喜祝之臣從而文飾之竊恐諛佞之門漸開大非 陛下遠宗帝王之意臣嘗聞之伏羲之時圖出於河禹時書出於洛文王時鳳鳴岐山成王時海不揚波此皆 帝王之瑞而今昔所共誇者然四聖人不聞有致祭于河洛山海之間而瑞傳于今益烈今 陛下黃河之清固與四聖人同瑞者而獨遣官瀆祭者豈不自異乎聖人哉夫以 陛下敬天勤民七年而始得與四聖人同瑞

以一旦祭非其禮而不得與四聖人同傳以世為天下法
豈不深可惜哉禮官不能遠稽古昔以大將順之美而獨
近採宋事以襲凡陋又不重可惜哉且河之澄清效靈決
非區區河神所能得私者今獨祭諸其側得無棄本從末
而河神又焉敢貪天功為己力乎奉荅神貺亦非所宜臣
仰窺 明旨免賀則 陛下亦既昭察禮官疏請之非典
特以 聖度包荒不欲直拒人故姑 俟其遣官祭告一
節以示不當從之意但 聖意淵微類非臣民之愚所能
深察臣恐繼是以祥瑞獻諛者或踵接於四方也臣願
陛下特罷其祭修德荅天親賢納諫稽古垂憲且三復

太祖高皇帝諭丞相汪廣洋之言 勅諭天下臣民凡祥
瑞不必奏凡災異蝗蝻即時報聞如此則 聖德有徵
天心悅豫諸福之物可致之祥莫不畢至而 宗社臣民
不勝慶幸臣冒昧觸瀆無任戰兢隕越之至

慎五始以隆 新治疏

任維賢

臣伏覩 詔書內一款朝廷政事得失天下軍民利病許諸人直言無隱欽此欽遵臣惟體元居正係澄源端本之幾而謹始圖終實其治久安之要易曰君子作事謀始晝曰慎厥終惟其始詩曰靡不有初鮮克有終自古帝王未有不謹其始而能謹其終者亦未有圖終而不謹於始者也仰惟 陛下聰明仁孝 藩邸著聞順天應人入承大統踐祚之初首頒 渙號與物更新弊政則釐革之舊章則率由之而又聞 諫斯從力行不惑退奸如脫趾進賢如拔茅天下臣民莫不歡欣鼓舞易聽政觀頤仰

聖人之作而思見德化之成也何慶幸歟然而聖人
莫則愚昧難明最爾草萊愛深望遠不無默議潛疑於萬
一謂陛下曩者經筵御矣而徹講太早大臣敬矣而
延接太疎言官論奏間有依違政事處分不無同異謀畫
不專於輔相腹心尚寄於貂璫事干權倖遂寢閣不行罪
本貫盈或實緣得免凡若此者殆由中心好之故見
德而不見威矣臣竊意陛下孝友純篤聖情靜專正
在孜孜然之餘而適當一日萬幾追尊之禮未隆思慕
之心甫切宜其有未遑者闕於前而補於後將有待於
今日也耶道以思至言以時聖嘉靖億萬年太平之治端

肇於此去故即新懲前慮後軍機之會不可失也
愚賤謹述慎始五事條列于左上塵 虞見臣非不效珠
玉填委焉用瓦礫而顧緘繫於 龍飛下 詔之初綱縷
於 鳳曆紀元之始良念首守雖異忠愛則同誠歎 陛
下慎諸始也慎而可以善其後休其終矣惟 陛下能兼
萬方之善故小臣敢效一得之愚詩曰采芣采芣無以下
體語曰不棄九九之數則嘉謨可聞也伏望 聖明寬誅
采紉以勤敬自勵以光庭自期光 列祖之閑休衍 中
興之景運豈惟 臣等幸甚 宗社幸甚天下幸甚 臣千冒
天威不勝戰兢隕越之至

一曰務學修德以慎出治之始蓋務學非博聞強記之謂
經則師其意史則師其迹考古今以昭勸戒論人物以辨
忠邪親近儒臣切劘治道躬覽章奏察納善言窮天下
之理通天下之情此務學之大也而其要則在於勤勤則
心志開明義理昭著而無他岐之感矣修德非彌文外飾
之謂靜則養其性動則節其情存祗懼之心以畏天矯
愛憎之偏以應物出入起居罔有不欽視聽言動率歸諸
禮嚴怠忽之戒絕嗜慾之萌此修德之大也而其要則在
於敬敬則天理常存人欲不肆而無非僻之干矣二者交
養而日進無疆則皇極以建化源以清大本正而天下

可成也董仲舒曰勉強學問則聞見博而知益明勉
行道則德日起而大有功此之謂也陛下春秋英妙
睿智夙成及時有爲心逸功倍當務之急莫先於此惟
陛下留心幸甚

二曰親賢遠奸以慎輔治之始蓋君子小人勢若持衡不
容並立一人君用舍之際實閑治忽之機內君子外小人
此泰之所以吉亨也陛下雅重耆碩不喜佞諛堯舜之
資殆不過此但薰陶涵養貴謹其初今與士大夫接不過
視朝數刻經筵片時而尊嚴如天咫尺千里雖有
嘉謀忠言何階可達臣愚以為所以道之教訓傳以傳之

德義保以保其身體此古之義也 陛下退朝之後必當
數召大臣相與圖事推誠盡禮不為虛文其 經筵勸講
亦須 虛心盡下假以 溫顏反覆咨諏有疑必問非盛
寒暑不可廢盡侍御僕從擇正人以充之直諫多聞踰常
格以侍之正心養德必有助也至若趙和承顏逢迎導欲
此奸人也厚貌深情妨賢醜正此奸人也招權市寵背是
從非此奸人也而凡恃私恩以亂典常納賄賂而行請謁
窺伺間隙惑溺聰明者必深排痛絕使無所售其術而容
其欺知之必去去之必決無係吝也將見 大明既升群
陰必伏小人革面不仁者遠善人以之而 升庶事以之

而康唐虞少治可以幾也益之戒辭曰任賢勿貳去邪勿
疑此致治之良規百王之永鑒也惟 陛下留心幸甚
三曰聽言專任以慎求治之始古者諫不置官自公卿大
夫至於工商無不得諫者所以廣視聽而防壅蔽也我
朝科道之設既有專職以隨事盡規而 皇上布告之條
又許人直言無隱是以嘉言罔伏讜論時聞諄復者似於
頻煩諷切者隣於譏訕援據者幾於掇入指逐者類於迂
闊詞激者近於沽名慮深者嫌於過計然惟求其濟世興
邦之益而無計功謀利之私言之必聽聽之必行行之必
果甚至犯顏逆耳亦當獎借優容必求諸道其或因論列

以濟私假彈劾以復怨詭欺驚愚言非急務曲以阿世則
又不可不察也方今 聖明在上任職惟良員無冗濫各
得其分乃簡厥修周公之戒成王曰勿誤于庶獄庶慎孔
予曰先有司此專任之意也 陛下誠能以格心屬輔相
以進學責講官以進退人亦聽之銓曹通融財賦聽之民
部據禮守經聽之宗伯與將論功聽之本兵懲奸殲惡聽
之法吏程工謹度聽之司空激揚補察臺諫得行其言糾
率澄清風憲得伸其志規可持循事無掣肘不抑奪於
內批不遷惑於衆口不以撓以近習不煩擾以紛更臣等
於下功歸於 上夫何為也先民有言受諫則明拒諫則

條又曰為政莫先於守法有言曰貴者重其患有官守者盡其職群策畢用庶政無廢治道之成斷可必矣惟陛下留心幸甚

四曰重吏安民以慎共治之始蓋四海之利病係於斯民之休戚斯民之休戚係於守令之賢否故曰守令民之師帥所以承流而宣化者也其可忽歟今群縣長吏遴選則上於銓曹而獎率則由於撫按是亦守令之綱也秉心惟公則愛憎取舍之不偏激揚懲勸之皆當賢者得以安其位而行志不肖者無所用其佞而肆奸此民之所以安也然而尊者易驕卑者易凌為之上者殊情異尚甲是乙非

或以安靜為因循或以興作為生事或以忠厚為遲鈍或以老成為迂闊或以介特為簡傲奔走承順者謂之能辦集期會者謂之敏此曰賢可舉彼曰必不可舉此曰不賢可刺彼曰必不可刺旌揚或因於喜搏擊或逞於怒將見逢迎奔競之徒興而循良實行之風泯矣臣愚以事貴協恭不宜獨任莫若巡撫有所舉刺則下巡按覆覈之巡撫乏焉則科道等官勾當公事於其地者亦可移屬薦勸必其彼此同辭見問一轍然後從而進退之設其幹理操持不無可錄而封章薦剡既或見責則亦蕙者藩臬守巡之署而博參廣諫輿論之公量材登用無輕棄也臧否據之

撫按而斥陟審之銓衡而又為撫按者同心合力互察交
稽惟以人才為可愛而不以形迹為可拘惟以賢否為去
留而不以好惡為進退獎之重而待之優期之深而望之
遠不記其舊惡而開其自新不錄其暫失而責其後效則
公道昭明人心奮激吏稱其官民安其業其閒聲最卓絕
者亦宜準昔人故事或 歷書示勞或章服示勞或增秩
賜金或錄屏書績俾得專於化理而布其才猷久任而起
遷之非過也亦以為民也書曰在知人在安民朱熹曰宰
相擇監司吏部擇郡守則 朝廷亦可無事此探本窮源
之論守約施博之道者也伏惟 陛下留心幸甚

五曰養將治兵以慎防治之始夫安不忘危大防所訓文
事武備聖人所兼古者不以無事忘戰良有以也方今
聖明在上大德誕敷萬國嚮慕域四方無金革之聲
口不言兵茲惟其時而何犯是不韙耶蓋宴安易溺儆戒
難忘而木蠹始於虫生法弊由於人壞我朝兵將之制
內則總之以府部而外兼聯之以重鎮其養之厚教之嚴
擇之慎悉臻其極設奇制勝將不乏良而舉墜振頽兵自
足用故法無不善或奉之者慢之也禁旅畿兵不容置
喙以在外者言之兜鑿之胄本出膏粱而作養之方亦殊
曠缺上之所以致待與其所以自期既多平凡苟且無以

端其本於前及其以序而承家循資而蒞事又多玩愒卑
汚無以矯其習於後賴畧則不閑也騎射則不習也城寇
支脊股削部曲怙勢輕典靡不為之至於城池器械之當
修亦廢棄而不省而撫按守巡之就閑或督率而未嚴卒
徒懈於私役鎧仗非其素儲其或羽檄方至桴鼓甫鳴固
已眊眊震縮而股戰心寒矣而況以行伍有限之財供將
領無窮之欲鎮守欽之都司都司欽之衛所衛所欽之軍
旗家無餽儲身無完衣名徒掛籍力不兼人何望其敵愾
禦侮也臣愚以為修武在治兵治兵在擇將擇將在素養
素養在申法武弁適于方其幼也悉養於學教之必至而

不徂於近規提學專其責守巡課其能撫按其進第其
優劣而籍之以為異日委任之張本及其長也克任其官
考之必嚴而不容以倖進撫按司其柄守巡勵其成本兵
覈其實別其臧否而刑賞之以示多官懲勸之典常勵其
氣節治其驕慢察其穩占上其誅求慎屯田之修飭馬政
之廢中律例之禁謹戎器之除訓練於無事之時振作於
有事之際將帥其兵兵愛其將孰敢慢其上以殘其下者
耶若其才之可以推轂而投鉞參謀而制閫固自有文武
之科推選之制足以羅而致之而駕御之方鼓舞之術彙
策之運則又廟堂之上自有其人誠能專其任而不撓

此保治之要法經述之

保泰九劄

吳時來

臣聞履泰不難保泰難故易於泰之九三泰之極矣而曰無平不陂無往不復重致其艱貞之意蓋慮時之不能常泰也以堯舜之聖當履虞之際泰之極矣而曰克艱厥后克艱厥臣尤叮嚀於嚴挫之憂蓋言泰之不可不保也以今日之天下陛下視之豈不幸其太平無事謂既泰矣乎不獨陛下以為泰也臣愚亦以為從古熙皞之世亦若未有今日者矣然臣愚獨有憂焉易之泰曰上下交而其志同也君子道長小人道消也若上下不交而志不同君子之道不長小人之道不消則謂之否臣是以憂之也

敢以君德之大與政體之要條為九箴 上陳太約鑒徵
慮著欲通上下之志明消長之勢令久安長治以圖 永
億萬世無疆之業耳伏乞 聖明親覽而施行之則 宗
社之福也緣係恭 進保泰九箴以光 新政以降萬世
無疆之業事理未敢擅便為此開坐謹題請 旨

第一箴曰致戒懼臣聞堯之咨舜曰天之曆數在爾躬允
執厥中四海困窮天祿永終夫堯知舜之大聖而授之天
下矣又何慮舜之不克保而以困窮永終之語戒之也凡
人之情有所畏則克戒懼無所畏則不克戒懼至於人主
深居法宮之中習於安樂易於怠荒方其為安樂怠荒也

從而告之曰是所為困窮永終也則困窮永終之事未有其形不見可畏既以無形而不畏而止為安樂怠荒也日甚然而人心天命自此去矣此荒之所以誠舜而首啓之以執中之說也臣惟天以天下之大托之陛下先帝二百年全盛之天下傳之陛下不識陛下將安享其盛以為無事而一無所動心乎抑以天命去留之幾不可期人心向背之伏不可測而務戒懼乎中庸曰戒慎乎其上不睹恐懼乎其所不聞臣觀陛下天性高明聖度博厚御朝聽講思道求治誠若克自抑畏然不知退朝之暇亦如御朝之時乎入接宦官宮人之時亦如接

賢士大夫之時乎臣願 陛下靜而自思嘗存戒懼之心
求悟執中之旨以為祈 天永命之基伏讀 太祖高皇
帝造觀心亭謂學士宋濂曰人心虛靈秉氣機出入操而
存之以為難朕罔敢自暇自逸此 太祖之克戒懼也
成祖文皇帝諭近臣曰朕每退朝默坐未嘗不管束此心
為切要此 成祖之克戒懼也臣願 陛下遠法堯舜近
法 二祖也誠近法 二祖則必思所以操存此心罔暇
逸矣則必思所以管束此心為切要者矣此心既定一中
常在將見四海永賴矣天命益固 陛下將保此全盛之
天下以傳之萬世豈不休哉是臣愚所深望於 陛下第

一義也伏乞 留神 第二廟曰端遊華人皆曰 陛下

好遊幸臣愚以為遊幸者 陛下之通也特遊有善有不
善所與遊得人不得人耳夏竦曰吾王不遊吾何以休吾
王不豫吾何以助一遊一豫為諸侯度此遊之善也流連
荒亡為諸侯憂此遊之不善也齊景公與宴嬰遊而作君
臣相悅之樂此與遊之得人也魯隱公觀魚于棠而僖伯
稱疾不從此與遊之不得人也宋太祖與諸臣賞花釣魚
賦詩我 太祖與宋濂同遊奉侍臣賦醉學士歌且諭曰
俾後世知朕君臣相樂居此也此皆古今美談然則遊幸
何可無也惟與遊得其人則遊自善可以為度與遊非其

人則遊自不善可以為憂惟 陛下審其所與遊者何如耳臣愚以為 陛下退朝之後散遊幸某處盍 召一二輔臣同遊或敷陳道德或商確政事或歌詩或寫字蓋堂陛禮嚴下情每阻於上通不如遊幸之時稍畧形跡藹然如家人父子使諸輔臣有讜言忠益得以造膝 上陳人將指此遊曰是虞廷廢歌氣象再見於今日豈非曠古盛事耶如此則遊幸正為訪道問瘼之資臣猶恐 陛下之不好遊也不然流連荒亡般樂怠傲損令名傷大體臣竊憂之遊何可得也且 端遊幸所以為怠荒之防也伏乞 聖神 第三劄曰 嗜好夫淫聲艷色之移人也久而不

覺其入焉故自古邪人欲投主人之意而陰移其權則必
多為玩好之具以誘人主之好故誘以好色所以移人主
之目誘以好聲所以移人主之耳人主不察其意因而視
之聽之以為此小節無傷也不知一有嗜好即生悅樂一
有悅樂必至沉溺此不足別為淫巧以充之玩好日深政
事日棄精神損於內聲名損於外是故耳目之嗜一成而
國家之敗由之彼邪人亦豈謂其禍之至此哉其初意每
不喜其君之持正則彼無所利故多方求悅其君非真愛
其君也不過為固寵之計而其禍乃足以敗人國家甚可
寒心也昔太祖謂宋濂曰自古賢哲之君知天下之難

保也遠聲色去奢靡以圖天下之安是以天命眷顧久而
不厭後世之主當天下無事侈心縱欲鮮克有終蓋誠深
慮於此也宋儒曰人主之心惟在所養養之以善則善養
之以惡則惡夫所養之惡孰有過於聲色哉臣仰窺聖
德恭儉必無此好誠恐邪人有以此而希寵者伏乞陛
下審察於此見美色必思曰是蔽明之物也罪之見淫聲
必思曰是蔽聰之物也罪之所謂不見可欲使心不亂誠
養心養德之要務也伏乞 留神 第四劄曰餐 綸音
臣誠觀 陛下每臨朝雍雍穆穆蓋有大舜恭己正南面
之度焉輝輝無為而治不言而信以其有五人為之左右

贊襄也今陛下得母以在位者師師濟濟固有所謂五
人者足倚任乎臣聞舜雖曰無為雖曰不言而都俞吁咈
未嘗一日不接見亦未嘗一日不籌咨焉臣愚願陛下
退朝之後日講之暇召閤臣一發綸音臣竊想陛下
下所以慎重而不發者必將曰言或不善則人或議之故
特慎之至耳臣愚以為帝王之言不必皆盡善正在因其
不善而與天下共改之臣聞太祖嘗謂徐達曰人之行
事一時知慮有未周及既行之後亟欲更之已無及矣其
間有未盡善者諸公宜執正請亟為更張誠帝王之度
也故言雖善君不聽人言而執持之猶之乎不善也言雖

未盡善若能聽人言而速更之猶之于善也弘治之政於
我朝獨稱盛焉亦以孝宗皇帝近接群臣而諫諍讀
讀之常日不離左右得以獻其可替其否而美意良法遂
因之而旁達於天下也今以庶事之煩不必勞陛下
一親裁定之而問之也章奏之煩不必勞陛下
一親閱之而問之也任聖心所欲為與所急務者隨
陛下之意發一語商一二事令諸臣面奏可否臣見
陛下誠一宣召之而臣工之惕勵自萬倍也誠一咨問之而
風聲之暢達自萬倍也大舜恭己之化正在於此夫諸臣
之事陛下猶父也陛下之視諸臣猶子也臣有父子

不接一語而情得通者乎臣誠願陛下之一發綸音也所謂事約而功博也伏乞 綰神 第五劄曰習奏事臣聞敷奏以言漢唐宋之盛皆有 面折廷爭之臣又曰以口舌爭則不獨以封事奏而且以口奏矣故封事雖千百言不如口奏何者以上易知下易達也或者以大庭奏事尤恐 聖覽未遍 聖心未達難於對衆處分臣愚以為不然今此諸臣中有聰明如陛下者乎此心無之矣但諸臣親之故習知之耳陛下未嘗親之故不知之耳夫以素不親習之事一旦而欲諳練若素官然即堯舜以為病矣臣愚以為此不足為陛下患也患在不親

而習之繼自今誠親而習之未有竟不能知者也臣愚以
為稽定大庭奏事之儀尤須復會極門奏事之規故
事會極門封進章疏列聖於此親對諸臣批答臣曾
見有寶座在焉今政務雖煩其大者日無幾也章奏雖
煩其切要者日無幾也陛下亦何憚於此不一親之習
之乎誠令各部院科道擇其大而切要者如軍情聲息地
方災異民間利害疾苦不公不法弊端奸萌等事務為明
白簡易之文或每日一見奏之如妨政病國之甚者仍口
奏大庭陛下居高而聽之若不省覽則亦徒然無
益矣臣愚即請陛下留意知大庭之奏者必軍情聲

患也必地方災異也必民間利害疾苦也必不公不法弊
端奸萌也須納之御前即退御會極門召奏事者
問故如此日以為常一日習一事知一事明日又如之十
日之間可知上事矣由此寧有不盡知天下事者乎臣聞
成祖謂侍臣曰朕於閑暇作書製制筆精妙甚稱人意因
嘆臣藝如此豈是生而能之亦由積學所致今之學不及
古人亦由自怠之過臣未嘗不竊嘆成祖之因書悟學
也臣願陛下勿以不知自為耻惟以不親為憂長存積
習之心毋懷自怠之意庶天下國家之故可以漸致通達
而坐剖之豈非萬古不世出之聖人哉伏乞 聖神

第六劄曰 嚴票旨夫票旨者代言也天子代天言宰相
代天子言此自古君相相須之義必然之勢傳曰天子之
道惟在責相蓋如此也 先朝批荅每與輔臣面相可否
輔臣擬 旨奉 御筆親裁然事機煩瑣一時 覽省不
竟未免調 旨封進內或閣臣所議未當 上心有欲改
更者亦必發下閣臣再看詳過然後批發所以重王言求
其至當也書曰爾有嘉猷嘉謀則入告爾后於內爾乃順
之於外宋臣歐陽脩有言天子曰可宰相曰不可天子曰
是宰相曰非夫宰相何敢與天子爭是非可否也蓋欲求
其至當服天下人心也自七月以來批荅 嚴旨文理未

協者有之事體未嘗有有之中外駭異以為此 皇上親
筆也則閣臣何不爭之於內或閣臣擬票即則又何以稱
順之於外也又安知不有不由閣臣之筆閣臣不得而知
也或有未經 御覽不由 聖心 陛下不得知也臣愚
以為即今發票務遵成規其合 上心者行之其有未合
者須發閣臣明示 聖意再三詳看 更之未為不可也
如不由擬票徑從 內批者若事理未嘗容閣臣執正閣
臣不以言是閣臣不得行其志又何以虛居其位容臣等
指斥之矣是重票 旨所以為舞政之防也伏乞 留神
第七劄曰 慎傳奉夫傳奉者 特旨也以其無前事而

由中出者也如前日修邊賑恤之類是也至於陞官差官
節有明禁祖宗設法防範奸弊意深而慮遠矣昨該兵
部題覆太師太和山事旬日之間六更明旨已經該部執
奏伏蒙俞允臣無容再喙矣但如此之類奉旨差官
相應備云前由具本題奏該監乃不具題而兩奉傳帖
是即非祖宗成憲矣安知不有舞文之徒假內批以
求必行其私者也易曰渙汗其大號書曰王言如絲其出
如綸傳曰出其言不善則千里之外違之況於傳奉一出
人人爭覩一有不當則朝廷之上成一過舉而可輕易
乎臣愚以為今後傳奉事例必該衙門補本覆奏擬議可

覆請 旨定奪然後施行當必以部議為必不可據弗以
內降為必可行即覆議未當 上心亦必下之閣臣擬票
安矣至於 聖明果有美意欲行亦必先與輔臣商確庶
政體歸一而 朝綱以肅若事體未當該部不以執奏是
部臣不得其職又何以虛居其位則容臣等彈劾之矣所
謂慎傳奉所以為侵政之防也伏乞 留神 第八劄曰
弘憲受 陛下自臨御以來旌 召遺直延納嘉言既而
厭言官之不諫事體者一聞都給事中馬成能之言又慨
然 溫俞之矣 陛下之仁不惡切諫如此故凡懷仁抱
義之士孰不爭趨 召命一扣 展前吐其胸中之蘊故

諸臣之不憚切諫者無非一念之誠亦仰 陛下之仁能容之也易曰拔茅茹以上彙貞吉此泰之象也臣方為今日賀焉近因太常司少卿周怡進言冒昧致動 嚴旨黜之外省怡言誠誕 陛下薄譴之誠是也然臣觀諸臣中稍稍志意消沮敷陳修飾恐不得復如前日之慷慨而激切者且使海內願進效忠之士或生思歸甘隱之念則彙征之吉又轉而為彙征之凶萬一事所不敢言誰其言之恐 陛下自此不得復聞直言又何從以復彰 陛下之仁臣愚以為言之當而容之非 陛下之能容也彼其言之當也惟其言之非當而容之乃 陛下之真能容之也

斯雖之所以為隱惡而揚善也夫以怡之一身前以狂言
忤先帝而先帝謫之今蒙陛下召用之又以狂言
忤陛下而又被謫怡兩立朝而兩見黜為怡得美其
如陛下召用之初意何哉願陛下即下溫旨大開
言路仍召怡補之原職使天下之人聞之仰天地之
大見日月之更則怡不得冒進言受謫之名而自古人君
納諫之美名皆歸於陛下之一身庶善言得以日進於
前而奸萌不得以潛生於下矣伏乞留神 第九劄曰
禁誣指夫誣指者告訐之漸也小人欲害君子則必創為
誹謗之說或更為違抗之論夫加之以違抗誹謗之名則

皇明司馬史記卷之二十一
人君不期信而自信之一旦怒觸雷霆雖欲救之不可得
已此風嘉靖末年最盛趙文華以之殺李默胡胥以之殺
楊允繩杜泰以之殺馬從謙致使天下奸險壬人凡挾私
忿者持此一說以挾制有司傾陷良善而怨聲至今未磨
也彼小人不過為報復之計以伸其私憤而乃使朝廷
之上無故而罪一人成一過舉可為寒心傳曰欲加之罪
何患無詞此風一長非國家之福也今蒙陛下昭雪
冤抑臣知其無此患矣臣愚以為不申誣指告訐之條則
惡無所懲求樂時有校尉訐朝臣謗毀時政之失者成
祖曰此必誣之蓋朝廷未嘗行此政彼安得有此言命錦

衣衛訐之果挾私忿誣之因目人主聽言之際豈可不審
向若不察則死誹謗者多矣即付之法司此其明驗也夫
委實縉紳之流安有誹謗之事不特無誹謗之事身依日
月之光將順不違又安有所謂抗違之意也罪以誹謗則
誹謗矣罪以違抗則違抗矣臣聞天下有道君子有所恃
而敢於為善小人有所憚而不敢為惡今後願 陛下照
亮天下臣子原無違抗之心誹謗之事如有告違抗者即
以違抗之罪罪之如有告誹謗者即以誹謗之罪罪之庶
奸險不得竊視人主之好惡以行其中傷之計賞罰得中
舉指得宜而人心服矣伏乞 留神

為定大禮正大法急大務以全 聖治疏 方鳳

臣惟禮者為治之本而必先于正名名分不正不足以為
治法者輔治之具而必先于賞罰賞罰不明不足以成治
至于萬幾庶政尤必以先務為急不急先務則為之無要
施之無序而欲禮之定法之行亦難矣欽惟 陛下聰明
睿知應天樹極未及三月而降恩善政遍及海宇然謂之
大有作為則可進求以堯舜之道而尚有未全者況以近
日之事觀之將來之作為又未知其為何如也 臣請冒死
陳之所謂大禮者 興獻王之議是也 陛下不肯自私
而付之禮部禮部不敢自專而會諸多官其所考定亦惟

遵古人不易之制合天下人心之公而無一人敢以私意
參其間者雖周公復起亦難改移 陛下留中不決一月
有餘臣仰窺 聖心不過篤于孝思不忍遽定而獻諄希
寵之臣遂立異說以搖睿聽伏望 陛下割恩從義亮已
復禮不必論 孝宗 興獻之親疎而當臧 太祖太宗
之心不必泥一家一國之私恩而當垂天下萬世之法則
大禮自定而治本立矣所謂大法者處決大獄是也太監
張銳張忠等罪大惡極無一民尺地不受其害論其情罪
當與江彬錢寧一律賊臣爾敦等曲為救拔法司未減止
坐一死誰臯陶再興恐難親議本留于中半月必待御史

聖德惟請方纔發出而又有多言會審之首中外聞之不知所謂會審者將以其罪尚輕而欲加之以快人心耶抑因其重賄交通官掖而欲減之以壞國法耶伏願陛下奮然獨斷毋事姑息將張銳等早賜處決勿惑于近侍之回護勿阻于宮戚之挽扶使將來內臣皆知畏法罔敢作慝則大法正而治具張矣所謂大務者御經筵以親儒臣開言路以防壅蔽是也雖聖如堯舜舍此無以成治蓋經筵之設所以培養德學講求治理不可一日而廢也陛下經筵日講之議遽延不斷而內閣大臣動以經月不得一見且聞有造為離間之言而多方誘引者臣

切憂之科道之官所以補拾過遺規救時弊不可一時而廢也今陛下比之即位之初聽信漸疎而事屬左右親信者輒以有旨為辭且聞有不由內閣調停而徑自批發者臣竊痛之伏願陛下以經筵為必當御而內閣師臣時賜召問義理有未明者相與咨議事體有未安者相與商度一言一動師保是依而內臣不得與如此則得于講究之餘者親切有味而權濫法度之施自無不宜矣以科道為必可信奏疏之繁多見陛下之好諫不當有厭心言辭之懇直見陛下之容諫不當有怒心或可或否斷之于獨而左右不得沮如此則得于聞見之下者

聰明日啓而蠹政害民之事無不照矣臣待罪言職幸際
明時必欲以堯舜望陛下陛下必如此而後可以為
堯舜否則一心之微攻之者衆邪正相勝不彼則此而天
下事之可慮有不可勝言矣

皇明兩朝詒教卷之一終